

PASTOURELLE INÉDITE ¹

DE JOYOS DE TOULOUSE

(B. N., ms. 856, fo 369 v°)

JOYOS DE TOLOSA

- I. L'autrier, el dous temps de pascor,
 En una ribeira,
 Aniey cercan novella flor,
 Cost' una cendieyra,
5 E per delieg de la verdor,
 E quar es entieyra
 Bona fes qu'ieu port a l'amor,
 A ma² vertadieyra,
 Sent[i] al cor una doussor,
10 Et, a la primeira
 Flor qu'ieu trobiey, torney en plor,
 Tro qu'en una ombreira
 Reviriey mos huelhs alhor³,
 Et una bergeira
15 Lai vi ab fresca color⁴,
 Blanca cum nevieyra,
 E son plus bel
 De nulh auzelh
 Siey huelh gentil
20 Humil,
 Que mil
 Qu'avil

¹ Sauf 28 vers, que Raynouard (*Choir*, V, 241) en a extrait. Cette pièce est la seule qui nous reste de son auteur, sur lequel on ne sait rien que ce qu'il nous apprend lui-même. — ² Corr. *la*? — ³ Manque une syllabe (*ieu*?). — ⁴ Manque une syllabe.

Lan vezon mot en fil¹,
 Et en la carrieyra
 25 De ben amar
 Ses mal estar,
 E quil neys ve
 Sap be
 Desse
 Que re
 Noh pot hom dir mas be,
 32 Tant es plazentieyra.

II. Et yeu quan vi son gay cors gen,
 D'avinent estatge,
 E sa fresca cara rizen
 El(o) sieu clar vizatge,
 37 Oblidiey tot mon pessamen,
 Quar de gran paratge
 Mi semblet al ben fait plazen
 Cors de gran barnatge,
 Et yeu mezeys suau e gen,
 42 Qu'anc noy vuela messatge,
 Ves lieys m'en aniey humilmen ;
 Et en la ferratge
 Gardet tres anhels solamen ;
 Et en mon coratge
 47 Yeu maldis qui primeiramen
 Baysset son linhatge :
 « Toza, fi m'yeu,
 A Domnidieu
 Prec queus ampar
 52 Eus gar
 De far
 Mal, quar
 Vos fe de ben ses par,
 Ab cors d'agradatge,
 57 E de fallir
 Vos gar, quar dir

Que per
Plazer
Aver

A selhs queus van vezer
64 Vos⁷fe ses follatge. »

III. Er aujatz avinen respos,
Per fin cor sostraire,
Quem fes ab semblant amoros :
« Amicx, de bon aire
69 Mi semblatz e cortes e pros,
Mas del vostr' afaire
Sabrem ans queus lonhetez de nos
Si etz fis amaire ;
Mas primiers vuelh saber de vos,
74 Qu'aissius vey maltraire,
Lo nom, et estar cossiros,
Ni de qual repaire
Vengues. » Et ieu dissi cochos :
« Leu m'es per retraire :
79 De Tolza, et ai nom Joyos ;
Nom reverta gaire,
Quar nulh socors
Nom ven d'amors,
Ans muer aman,
84 Celan
Mon dan,
Lauzan
Mi dons, e sofertan,
Qu'ieu am ses cor vaire,
89 E ges nom pes
Qu'elham degues
Aucir, nim veg
Naleg,
Ans deg
Per dreg
Virar de son destreg
96 Mon cor et estraire. »